

摛藻堂四庫全書薈要

集部

欽定四庫全書會要

集部

御定詠物詩選卷八十三

詳校官原任主事臣李斯咏

欽定四庫全書叢要卷一萬八千七百五

集部

御定佩文齋詠物詩選卷八十三

衆山類

古言四

登會稽刻石山

四

王彪之

隆山嵯峨崇巒嵒峯傍覩滄洲仰拂元霄文命遠會風
淳道遠秦皇遐巡邁茲英豪宅基靈阿銘跡峻嶠青陽
曜景時和氣淳修嶺增鮮長松挺新飛鴻振羽騰龍躍

鱗

登荆山

晉桓玄

理不孤湛影比有津曾是名岳明秀超隣器栖荒外命
契響神我之懷矣巾駕飛輪

五言古

詠懷

魏阮籍

步出上東門北望首陽岑下有采薇士上有嘉樹林良
辰在何許凝霜霑衣襟寒風振山岡玄雲起重陰鳴雁

飛南征鶲鳩發哀音素質游商聲悽愴傷我心

採藥詩

晉庾闡

採藥靈山巒結駕登九疑懸崖溜石髓芳谷挺丹芝冷
冷雲珠落漼漼石蜜滋鮮景染冰顏妙氣翼冥期霞光
煥霍靡虹景照參差椿壽自有極槿花何用疑

登楚山

庾闡

拂駕升西嶺寓目臨浚波想望七德耀詠叱九功歌龍
馭釋陽林朝服集三河回首盼宇宙一無濟邦家

登半石山

晉宗炳

清晨陟阻崖志氣洞瀟灑嶧谷豁地幽窮石凌天委長
松列竦肅萬樹巉巖詭上施神農蘿下凝堯時髓

登作樂山

宋孝武帝

修路軫孤轡竦石頃飛轍遂登千尋首表裏望丘原屯
煙擾風穴積水溺雲根漢潦吐新波楚山帶舊苑壤草
凌故國拱木秀頽垣目極情無留客思空已繁

登魯山

孝武帝

解帆憩通渚息徒憑椒丘粵值風景和升高從遠眸紀
郢窮西路湘憂極南流杳哉漢陰水浩焉江界修

車駕幸京口侍遊蒜山作

宋 頗延之

元天高北列日觀臨東溟入河起陽峽踐華因削成巖
險去漢宇襟衛徙吳京流池自化造山闢固神營園縣
極方望邑社總地靈宅道炳星緯誕曜應辰明睿思纏
故里巡駕帀舊垌陟峰騰輦路尋雲抗瑤甍春江壯風
濤蘭野茂荑英宣遊弘下濟窮遠凝聖情嶽濱有和會

祥習在卜征周南悲昔老留滯感遺氓空食疲廊肆反稅事巖耕

遊嶺門山詩

宋 謝靈運

西京誰修政龔汲稱良吏君子豈定所清塵慮不嗣早蒞建德鄉民懷虞芮意海岸常寥寥空館盈清思協以上冬月晨遊肆所喜千圻邈不同萬嶺狀皆異威摧三山峭湧汨兩江駛漁舟豈安流樵拾謝西北人生誰云樂貴不屈所志

石室山詩

謝靈運

清旦索幽異放舟越坰郊
莓莓蘭渚急藐藐苔嶺高
石室冠林陬飛泉發山椒
虛泛徑千載峥嵘非一朝
鄉村絕聞見樵蘇限風霄
微戎無遠覽總笄羨升喬
靈域久韜隱如與心賞交
合歡不容言摘芳弄寒條

登石門最高頂

謝靈運

晨策尋絕壁夕息在山棲
疏峰抗高館對嶺迴谿長
林羅戶穴積石擁階基連巖
覺路塞密竹使徑迷來人

忘新術去子惑故蹊活活夕流駛噭噭夜猿啼沉冥豈
別理守道自不携心契九秋幹目玩三春荑居常以待
終處順故安排惜無同懷客共登青雲梯

從庾中郎遊園山石室

宋鮑照

荒塗趣山楹雲崖隱靈室岡澗紛縈抱林障沓重密昏
昏磴路深活活梁水疾幽閬秉晝燭地牖窺朝日怪石
似龍章瑕璧麗錦質洞庭安可窮漏井終不溢沈空絕
景聲凌危坐驚慄神化豈有方妙象竟無述至哉鍊玉

人處此長自畢

和王著作融登八公山

齊謝朓

東限瑯琊臺西距孟諸
陸阡眠起雜樹檀欒
蘚修竹日隱澗疑空雲
聚岫如複出沒眺樓雉
遠近送春目

遊太平山

齊孔稚珪

石險天貌分林交日容
缺陰澗落春榮寒巖留
夏雪

侍遊方山應詔

齊王融

巡躅望登年帳飲臨秋
縣日羽鏡霜尋雲旗落
風甸四

瀛良在目八寓宛如見小臣竊自嘉預奉柏梁讌

遊金華山

梁沈約

遠策追夙心靈山協久要天倪臨紫闕地道通丹竅未
乘琴高鯉且縱嚴陵釣若蒙羽駕迎得奉金書召高馳
入閭闔方覩靈妃笑

早發定山

沈約

夙齡愛遠壑晚蒞見奇山標峰綵虹外置嶺白雲間傾
辭忽斜暨絕頂復孤圓歸海流漫漫出浦水濺濺野棠

開未落山櫻發欲然忘歸屬蘭杜懷祿寄芳荃眷言採

三秀徘徊望九仙

渡西塞望江上諸山

梁江淹

南國多異山雜樹共冬榮潺湲夕澗急嘈囁晨鶴鳴石
林上參錯流沫下縱橫松氣鑑青靄霞光鑠丹英望古
一凝思留滯桂枝情結友愛遠岳採藥好長生常畏佳
人晚秋蘭傷紫莖海外果可學歲暮誦仙經

登壽陽八公山

梁吳均

遠澗自傾曲石漱復洩含珠岸恒翠懷玉浪多圓疎
峰時吐月密樹不開天瑤繩盡元祕金檢上竒篇是有
琴高者凌波去水仙

東南射山

梁王筠

還丹改容質握髓駐流年口含千里霧掌流五色烟瓊
漿汎金鴟瑤池溉玉田倏忽整龍駕相遇鳳臺前

南隱遊泉山

隋孔德紹

名山狎朝隱俗外遠相求還如倒景望忽似闌風遊臨

崖俯大壑披露仰飛流歲積松方偃年深椿欲秋野花
開石逕雲葉掩山樓何須問方士此處是瀛州

南海亂石山作

唐杜審言

漲海積稽天羣山高巒地相傳稱亂石圖典失其事懸
危悉可驚大小都不類乍將雲島極還與星河次上聳
忽如飛下臨仍欲墜朝瞰丹紫交魄炯青翠穹崇霧
雨蓄幽隱靈仙闕萬尋掛鶴巢千丈垂猿臂昔去景風
涉今來姑洗至觀此得詠歌長時想精異

遊陸渾南山自歇馬嶺到楓香林以詩代書答

李舍人適

唐宋之間

晨發歇馬嶺遙望伏牛山孤出羣峰首熊熊元氣間太
和亦崔巍石扉橫閃倏細岑互攢倚浮巘競奔蹙白雲
遙入懷青靄近可掬徒尋靈異跡周顧愜心目晨拂鳥
路行暮投人烟宿粳稻遠彌秀栗芋秋新熟石髓非一
巖藥苗乃萬族間闊踏雲雨繚繞緣水木西見商山芝
南到楚鄉竹楚竹幽且深半雜楓香林浩歌清潭曲寄

爾桃源心

早春魚亭山

唐薛稷

春氣動百草紛榮時
斷續白雲自高妙徘徊空山曲陽
林花已紅寒澗苔未綠伊余息人事蕭寂無營欲客行
雖云遠覩之聊自足

與生公遊石窟山

唐張九齡

探祕孰云遠忘懷復爾同日尋高深意宛是神仙中躋
險構靈室詭制非人功潛洞黝無底殊庭忽似夢豈如

武安鑿自若茅山通造物良有寄嬉游廻愜衷酒希咽
玉液從此昇雲空咄咄共携手泠然且馭風

登城樓望西山

張九齡

城樓枕南浦日夕顧西山宛宛鸞鶴處高高烟霧間仙
井今猶在洪崖久不還金編莫我授羽駕亦難攀檐際
千峰出雲中一鳥閒縱觀窮水國游思徧人寰勿復塵
埃事歸來且閑闋

南山

唐賀朝

湖北雨初晴湖南山盡見巖石帆影如得海風便仙
穴茅山峰彩雲時一見邀君共探此異籟殘幾卷

登鹿門山

唐孟浩然

清曉因興發乘流越江峴沙禽近方識浦樹遠莫辨漸
至鹿門山山明翠微淺巖潭多屈曲舟楫屢迴轉昔聞
龐德公採藥遂不返金澗餌芝朮石牀卧苔蘚紛吾感
耆舊結纜事攀踐隱跡今尚存高風邈已遠白雲何時
去丹桂空偃蹇探討意未窮廬夕陽晚

登望楚山最高頂

孟浩然

山水觀形勝襄陽美會稽最高惟望楚曾未一攀躋石
壁疑削成衆山比全低晴明試登陟目極無端倪雲夢
掌中小武陵花處迷暝還歸騎下蘿月在深谿

登峨嵋山

唐 李 白

蜀國多仙山峨嵋邈難匹周流試登覽絕怪安可悉青
冥倚天闕彩錯疑畫出冷然紫霞賞果得錦囊術雲間
吟瓊簫石上弄寶瑟平生有微尚歡笑自此畢烟容如

在顏塵累忽相失倘逢騎羊子携手凌白日

江上望皖公山

李白

奇峰出奇雲秀木含秀氣青冥皖公山巉絕稱人意獨遊滄江上終日淡無味但愛茲嶺高何由討靈異默然遙相許欲往心莫遂待吾還丹成投跡歸此地

焦山望松寥山

李白

石壁望松寥宛然在碧霄安得五彩虹架天作長橋仙人如愛我舉手來相招

與南陵常贊府遊五松山

李白

安石汎溟渤獨嘯長風還逸韻動海上高情出人間靈
異可並跡澹然與世閒我來五松下置酒窮躋攀微古
絕遺老因名五松山五松何清幽勝境美沃洲蕭颯鳴
洞壑終年風雨秋響入百泉去聽如三峽流剪竹掃天
花且從傲吏遊龍堂若可憇吾欲歸精修

峴山懷古

李白

訪古登峴首憑高眺襄中天清遠峰出水落寒沙空弄

珠見游女醉酒懷山公感歎發秋興長松鳴夜風

天門山

李白

迥出江上山雙峰自相對岸映松色寒石分浪花碎參差遠天際縹緲晴霞外落日舟去遙回首沈青靄

登秦望山

唐薛據

南登秦望山極目大海空朝陽半蕩漾晃朗天水紅谿壑爭噴薄江湖遞交通而多漁商客不悟歲月窮振綺迎早潮弭棹候長風余本萍泛者乘流任西東茫茫天

際帆樓泊何時同將尋會稽跡從此訪任公

登翅頭山題儼公石壁

唐包融

晨登翅頭山山曛黃霧起却瞻迷向背直下失城市
日銜東郊朝先生色里掃除諸烟氛照出衆樓雉青為
洞庭山白是太湖水蒼茫遠郊樹倏忽不相似萬象以
區別森然共盈几坐令開心胸漸覺落塵滓北巖千餘
仞結廬誰家子願陪中峰游朝暮白雲裏

早發西山

唐沈頌

遊子空有懷賞心杳無路前程數千里乘夜連輕馭繚
繞松篠中蒼茫猶未曙遙聞孤邨犬暗指人家去疲馬
懷澗泉征衣犯霜露喧呼谿鳥驚沙上或騫翥娟娟東
岑月照耀獨歸慮

夕次鹿門山

唐閻防

龐公嘉遁所浪跡難追攀浮舟暝始至抱杖聊自閒雙
巖開鹿門百谷集珠灣噴薄湍上水春容漂裏山焦原
不足險梁壑未成艱我行自春仲夏鳥忽綿蠻蕙草色

已晚客心殊倦還遠遊非避地訪道愛童顏安能徇機
巧爭奪錐刀間

蒙山

唐 蕭穎士

東蒙鎮海沂合沓百餘里清秋淨氣靄崖崿隱天起于
役勞往還息徒暫攀騎將窮絕跡處偶得冥心理雲氣
雜虹霓松聲亂風水微明綠林際杳寥丹洞裏仙鳥時
可聞羽人邈難視此焉多深邃賢達昔所祕子尚指俗
紛季隨蹣跚軌蘊真道彌曠懷古心未已白鹿凡幾遊

黃精復奚似顧予尚牽纏家業重書史少學務從師壯
年貴趨仕方馳桂林譽未暇桃源美歲暮期再尋幽哉
羨門子

西山

唐常建

一身為輕舟落日西山際常隨去帆影遠接長天勢物
象歸餘清林巒分夕麗亭亭碧流暗日入孤霞繼洲渚
遠陰映湖雲尚明霽林昏楚色來岸遠荆門閉至夜轉
清迥蕭蕭北風厲沙邊鴈鷺泊宿處蒹葭蔽圓月逗前

浦孤琴又搖曳冷然夜遂深白露霑人袂

石菌山

唐 劉長卿

前山帶秋色獨徃秋江晚疊嶂入雲多孤峰去人遠黃
緣不可到蒼翠空在眼渡口問漁家桃源路深淺

過桐柏山

唐 錢 起

秋風過楚山山靜秋聲晚賞心無定極仙步亦清遠返
照雲竇空寒流石苔淺羽人昔已去靈跡欣方踐投策
謝歸途世緣從此遣

獨遊覆釜山寄郎士元

錢 起

賞心無遠近芳月好登望勝事引幽人山下復山上將
尋洞中藥復愛湖外嶂古僻苔入雲陰谿樹穿浪誰言
世緣絕更惜知音曠鶯啼綠蘿春回首還惆悵

登覆釜山遇道人

錢 起

晨策趣無涯名山深轉秀三休變覆景萬轉迷宇宙攀
崖到天窓入洞窮玉溜側逕蹲怪石飛蘿擲驚狹花間
鍊藥人雞犬和乳竇散髮便迎客采芝仍滿袖郭璞賦

游仙始願今可就

溫門山

唐王建

早入溫門山羣峰亂如戟懸崖欲相觸呀豁斷行跡脫
屐尋淺流定足畏敲石路盡十里谿地多千歲柏洞門
晝陰黑深處惟石壁似見丹砂光亦聞鍾乳滴靈池出
山底沸水衝地脉暖氣成濕烟濛濛窟中白隨僧入古
寺便是雲外客月出天氣涼夜鐘山寂寂

經月巖山

唐韓翃

驅車過閩越路出饒陽西仙山翠如畫簇簇生虹蜺羣
峰若侍從衆阜如嬰提巖巒互吞吐嶺岫相追携中有
月輪滿皎潔如圓珪玉皇恣遊覽到此神應迷嫦娥曳
霞帔引我同攀躋騰騰上天半玉鏡懸飛梯瑤池何悄
悄鸞鶴煙中栖回頭望塵世露下寒淒淒

遊灞陵山

唐嚴維

入山未盡意勝跡聊獨尋方士去在昔藥堂留至今四
隅白雲間一路清谿深芳秀愜春目高閒宜遠心潭分

化丹水嶺出昇仙林此道人不悟坐鳴松下琴

新晴望北山

宋文同

西風吹北山曉日麗新雨嵐光登峯岫草木紛可數翠
壁倚萬丈白雲橫一縷待訪餐霞人斯游欲誰與

萬山

宋蘇軾

西行度連山北出臨漢水漢水蹙成潭旋轉山之趾禪
房久已壞古梵舍清泚下有仲宣闌縷刻深容指回頭
望西北隐隐龜背起傳云古隆中萬樹桑柘美月炯轉

山曲山上見洲尾綠水帶平沙盤盤如抱珥山川近且秀不到懶成恥問之安能詳畫地費簪筆

敬亭山

元貢奎

名山鎮宣郡古祠崇敬亭傑構覩深巖飛廊引重扃陟彼百仞高始覺萬類形樓殿勢益弘兵衛森幽靈增秩觀隆典綸音播明庭豐穰走祈報烟燎浮芳馨竹樹蔽險壑虛闌俯南垌麻姑湖上碧華陽天際青神飈颯然起新涼濯微醒疎雨映白石垂虹截蒼冥永言李謝遊

豈惜歲月零悠悠孤雲去渺渺從雙輶招之殊未來莊
思展函經

宿臺城山絕頂

元薩都拉

江白潮已來山黑月未出樹杪一燈明雲房人獨宿近
水星動搖河漢下垂屋四月夜深寒繁露在修竹

黑谷東路山

元朱德潤

高岡盤崔嵬白石落絕壑鳴泉咽古竇巖麓淨如削緬
想融化初元氣下磅薄山靈托奇範株脈下連絡大峰

齊雲霄羣嶠入雲脚朱闌圍碧瓦
隱見仙人宅良境不可負行將理芒屨

石橋山

元黃鎮成

散策南山下逶迤登石橋五涉曲澗水兩山鬱峩峩
緣度絕壁攀蘿俯山椒懸瀑瀉層崖冰華垂空飄盤紆
上石磴天梯颭回飈廁足得平地聳身凌丹霄入谷煙
霞深松竹聲蕭蕭會當發天祕剪此荆榛條結屋棲白
雲覽矚千峰遙土沃既宜耕山深仍可樵因之習天遊

已足遠世囂悠然萬物表我隱誰能招

望會稽山

元柳貫

城東鑑湖道水光翻夕鷗雲破青霞靡稽峰芝掌浮悠
然動予矚玉女開明眸固知穴可探却恐書難求蒲蓮
浩如海微風挾輕舟前山與後嶺導從森幢旒誰張北
斗旗漸進東瀛洲桂枝倘堪折鬢白愧重遊

汎舟黃頰湖望梅山

元張

汎舟黃頰湖望見梅仙山嵯峨結寶髻晶森浮銀灣長

風蕩青蘋雪浪相飛翻魚龍現怪誕水怒山自閒詎知
神靈意杳在虛無間緬思學仙尉一去何時還幽姿不
可見高風邈難攀落日動簫鼓把酒酬潺湲

峩峪山

元王磐

昨日遊黃華抵暮方言還今晨到峩峪驅馬五松邊未
移金門日還指元康煙山中富清境不暇相周旋大似
山陰客望門却廻船空懷上方寺矯首浮雲巔瀑布流
暗雪金燈開夜蓮何當重經過巖下細流連

龜山

明 張 羽

輕舟俯淮流千里不見山披衣起清曉忽覩青辱顏始
覺客愁散頓忘行路艱安得策飛筠一造幽人閣翻思
在山日午巖厭登攀物少乃足貴不在美惡間役夫告
我言此中棲神姿噓氣成江河湏臾駕岡巒僧伽大威
力困彼一掬慳石巖下無底繫以千連環至今風濤夕
猶聞響珊瑚茫茫淮泗流禹功不可刊傳奇乃由誰此
語當重刪作詩寄崖石庶以開愚頑

登北山

明

劉仔肩

薄言出東郭縱步陟北嶺油雲冒峯岑寒松雜修挺林
翳景若暝谿迴路猶引崇基擬素志澄淵鑑清影遵險
既易常臨深亦逾謹朋游並登眺妙趣心獨領寄想煙
霞濱超然欲歸隱

遊西山

明史鑑

命駕曉行遊遊彼西山裏西山信多奇况復偕知已是
時霖雨歇羣峰淨如洗紫氣杳深沉林木何茂艷衆芳

已銷落餘春栖百卉流泉瀉絕壁潺潺若風雨厲澗既
褰裳臨流還洗耳飛來固無匹韜光匪虛美徑轉迷故
蹊巖幽閑來軌人歸鳥聲樂日景樵歌起往事良已然
來期尚誰啟回首謝山靈吾遊未云已

龍川山中早行

明 祝允明

璠璠左山影橫截右山腰辨色鳥譙翔微光漾晴朝浮
雲若中斷蔚蔚方行遙

過石公山

明 王 寵

島嶼屢奔騰石林窔參錯朝雲正吐秀冬水亦漸涸槎
牙熊豹蹲蟠曲蛟龍蠖波濤激中洞嵐靄紛上薄金膏
赤日流石鏡青天靄表靈徵名圖延賞諧幽諾蒼鼠不
驚人丹楓時自落茲焉可投綸畢志甘塲藿

歸解石山雜題

明方太古

山高日出遲雲重天寒早源遠斷人煙木落驚啼鳥南
斗鴈峰均北極玉闌杪下界隔中天陰陽別昏曉

宿白嶽社山中

明潘緯

白社負幽期青山寄空宅偶携林中友重卧崖下石雲
歸忽閉關月出更留客不著塵夢還潺湲響終夕

石堂山

明 李 蒼

茲山曾兩登契闊十年越風景豈殊舊古木半摧伐仙
去地猶靈龍潛神詎歇浩氣蕩太虛河山坐出沒幽歌
步泉水春懷與活活羽客煮松花晚來消酒渴

七言古

夜歸鹿門山歌

唐 孟浩然

山寺鳴鐘晝已昏漁梁渡頭爭渡喧人隨沙岸向江郵
予亦乘舟歸鹿門鹿門月照開煙樹忽到龐公棲隱處
巖扉松徑長寂寥惟有幽人自來去

丈人山

唐杜甫

自為青城客不唾青城地為愛丈人山丹梯近幽意丈
人祠西佳氣濃綠雲擬住最高峰掃除白髮黃精在君
看他時冰雪容

遊道場山何山

宋蘇軾

道場山頂何山麓上徹雲峰下幽谷我從山水窟中來
尚愛此山看不足波湖行盡白漫漫青山忽作龍蛇盤
山高無風松自響誤認石齒號驚湍山僧不放山泉出
屋底清池照瑤席階前合抱香入雲月裏仙人親手植
出山回望翠雲鬟碧瓦朱闌縹緲間白水田頭問行路
小谿深處是何山高人讀書夜達旦至今山鶴鳴夜半
我今廢學不歸山山中對酒空三歎

同正輔表兄遊白水山

蘇 輓

偉哉造物真豪縱攫土搏沙為此弄摩開翠峽走雲雷
截破奔流作潭洞因隨化人履巨跡得與仙兄躡飛鞚
曳杖不知巖谷深穿雲但覺衣裘重生者驚鳥投霜葉
知有老蛟蟠石甕金沙玉礧粲可數古鏡寶匣寒不動
念兄獨立與世疎絕境難到惟我共永辭角上兩蠻觸
一洗胸中九雲夢浮來山高回望失武陵路絕無人送
筠籃擷翠爪甲香素綆分碧銀餅凍歸路霏霏湯谷暗
野堂活活神泉湧解衣浴此無垢人身輕可試雲間鳳

登雲龍山

蘇軾

醉中走上黃茅岡
滿岡亂石如羣羊
岡頭醉倒石作牀
仰看白雲天茫茫
歌聲落谷秋風長
路人舉首東南望
拍手大笑使君狂

會稽山中

宋戴復古

曉風吹斷花梢雨
青山白雲無睡處
嵐光滴翠濕人衣
踏碎瓊瑤谿上步
人家遠近屋參差
半成圖畫半成詩
若使山中無杜宇
登山臨水忘歸

遊黃華山

金元好問

黃華水簾天下絕我初聞之雪谿翁丹霞翠壁高歡宮
銀河下濯青芙蓉昨朝一遊亦偶爾更覺摹寫難為功
是時節氣已三月山木赤立無春容湍聲洶洶轉絕壑
雪氣凜凜隨陰風懸流千丈忽當眼芥蒂一洗生平胸
雷公怒擊散飛雹日脚倒射垂長虹驪珠百斛供一瀉
海藏翻倒愁龍公輕明圓轉不相礙變見融結誰為雄
歸來心魄為動蕩曉夢月落春山空手中仙人九節杖

每恨勝景不得窮，携壺重來巖下宿。
道人已約山櫻紅，

天馬山

元黃清老

谿隨天馬西北行，半空忽見蓮花生。
雙鸞欲下却飛去，旌旗引入丹霞城。
攀蘿上到猿啼處，恍然曠坐消百慮。
千山無人雲氣深，終日徘徊不能去。
虛空樓閣時自開，異香忽起三清臺。
風吹笑語落半天，半疑是神仙跨鶴來。
百花潭上春日照，白鹿呼人猨亦嘯。
路迷不敢輕問津，恐有賢人隱耕釣。
蒼崖九折樵徑通，絕頂可見西崆峒。

塵心豁然臂欲羽竦身直上凌天風

八仙洞山

元僧惟則

入山隐隐如聞雷山雞角角隨人飛松風洗我市喧耳
松露灑我青蘿衣平生結習重幽賞會景會物情依依
誰能歌紫芝我當歌采薇招呼雲外青鸞歸

登岳陽樓望君山

明楊基

洞庭無烟晚風定春水平鋪如練淨君山一點望中青
湘女梳頭對明鏡鏡裏芙蓉夜不收水光山色兩悠悠

直教流下春江去消得巴陵萬古愁

過鹿門山

明薛瑄

西來漢水浸山根舟人云此是鹿門峭壁蒼蒼石色古
曲逕杳杳藤蘿昏亂峰幽谷不知數底是龐公栖隱處
含情一笑江風清雙櫓急搖下灘去

登招山

明傅汝舟

招山不放海水過坐與潮汐爭咽喉軍門鼓角動地遠
不覺送我招山頭風沙冥冥海在下濤浪滾滾天真浮

一 日 可 到 九 萬 里 寸 心 遙 飛 十 二 洲 千 峰 盡 處 日 脚 動
百 鳥 飛 絶 雲 色 慄 帆 橋 散 亂 點 秋 葉 蛟 龍 出 没 如 猶 猴
天 門 盪 久 恐 將 裂 碣 石 漫 過 能 不 柔 未 知 尾 閭 果 安 在
祇 見 萬 水 皆 兼 收 將 軍 教 我 認 絶 域 日 本 西 戸 東 琉 球

五言律

登驪山高頂寓目

唐 中 宗

四 郊 秦 漢 國 八 水 帝 王 都 閭 閨 雄 里 開 城 闕 壯 規 模 貫
渭 稱 天 邑 含 歧 實 奠 區 金 門 披 玉 館 因 此 識 皇 園

幸蜀西至劖門

唐明皇

劖閣橫雲峻巒輿出狩迴翠屏千仞合丹嶂五丁開灌
木縈旗轉仙雲拂馬來乘時方在德嗟爾勒銘才

奉和聖製登驪山矚眺應制

唐張說

寒山上半空臨眺盡寰中是日巡遊處晴光遠近同川
明分渭水柳暗辨新豐巖壑清音暮天歌起大風

奉和聖製登驪山高頂寓目應制

唐蘇頤

仙蹕御層巒
高高積翠分巖聲
中谷應天語
半空聞豐
樹連黃葉函
闕入紫雲聖
圖恢寓縣歌
舞少橫汾

奉和聖製登驪山高頂寓目應制

唐趙彥昭

皇情徧九垓
御輦駐昭回
路若隨天轉
人疑近日來
河看大禹
鑿山見巨靈
閻願扈封登
駕常持獻壽杯

奉和聖製次瓊岳韻

唐張九齡

山祇亦望幸
雲雨見靈心
嶽館逢朝霽
闕門解宿陰
咸

京天上近清渭日邊臨我武因冬狩何言是即禽

奉和聖製次瓊岳應制

唐李林甫

東幸從人望西巡順物迴雲收二華出天轉五星來十月農初罷三驅禮復開更看瓊岳上佳氣接神臺

和張明府登鹿門山

唐孟浩然

忽示登高作能寬旅寓情絃歌既多暇山水思彌清草得風先動虹因雨後成謬承巴里和非敢應同聲

酬崔十三侍御登玉壘山思故園見寄

唐岑參

玉壘天晴望諸峰，盡覺低。故園江樹北斜日，嶺雲西曠野。
看人小長空，共鳥齊。山高徒仰止，不得日攀躋。

白鹽山

唐杜甫

卓立羣峰外，蟠根積水邊。他皆任厚地，爾獨近高天。白
榜千家邑，清秋萬佑船。詞人取佳句，刻畫竟誰傳。

奉和聖製登會昌山應制

唐錢起

睿想入希夷，真游到具茨。玉鑾登嶂遠，雲路出花遲。泉

壑凝神處陽和布澤時六龍多順動四海正雍熙

洞陽山

浮邱舊隱處

唐 劉長卿

舊日仙成處荒林客到稀白雲將犬去芳草任人歸空
谷無行徑深山少落暉桃源幾家住誰為掃荆扉

九日登青山

唐 朱 灣

昔人惆悵地繫馬又登臨舊處煙霞在多時草木深水
將天一色雲共我無心想見龍山會良辰亦似今

宿東橫山

唐 許渾

孤舟路漸賒時見碧桃花谿雨灘聲急巖風樹勢斜獮
猴懸弱蔓鶴鶴睡橫槎謾向仙林宿無人識阮家

遊爛柯山

唐項斯

步步出塵氛谿山別是春壇邊時過鶴棋處寂無人訪
古碑多缺探幽路不真翻疑歸去晚清世界移晨

商山

唐王貞白

商山名利路夜亦有人行四皓卧雲處千秋疊蘚生畫
煙籠澗黑殘雪隔林明我待酬恩了來聽水石聲

送清散遊太白山

唐僧無可

卷經歸太白躡蘚別蘿龕若履浮雲上須看積翠南倚
身松入漢暝日月離潭此境堪長往塵中事可諳

寒石山

唐僧寒山

登陟寒山道寒山路不窮谿長石磊磊澗草濛濛苔
滑非關雨松鳴不假風誰能超世累共坐白雲中

新霽望笠山

宋梅堯臣

北望直百里峨峨千仞青斷虹迎日盡飛雨帶龍腥陰

壑煙雲畜陽崖草木靈登臨終不厭時許到茲亭

北山寫望

宋林逋

晚來山北景圖畫亦應非
郵路飄黃葉人家濕翠微樵
當雲外見僧向水邊歸一曲誰橫笛蒹葭白鳥飛

鴈山

宋戴復古

此地古無聞誰封萬石君
山林纔整整來往早紛紛兩
派龍湫水千峰雁蕩雲東西十八寺紀載欠碑文

天門山

元程鉅夫

萬里瀰漫地天門據要衝乾坤大開闢江漢此朝宗往
事空多壘千年只二峰舟人亦癡絕遙認兩眉濃

重遊弁山

元

趙孟頫

竹色迷行徑松聲湧座隅水清花自照風暖鳥相呼飲
罷思棋局歌長缺唾壺重來瀟灑地聊足慰漁叟

遊梅仙山和唐人韻

元

薩都拉

絕頂尋仙跡寒泉照客容棲鸞多種竹愛鶴莫移松丹
藥人來乞山粳手自春秋深霜葉滿麋鹿日相逢

其二

仙人不可見借鶴過仙家夜卧千峰月朝餐五色霞祠
空風掃葉人去鹿銜花歸隱知何日分爐學鍊沙

遊江陰君山

元貢師泰

孤嶂臨滄海千山湧大江遠帆歸市獨高塔倒波雙鷗
鷺爭洲漱蛟龍怒石矼壯遊心未已飛雨灑樓窓

黃牛山

明王冕

招提萬山底古屋蔽煙霞密竹先秋意長藤過夏花繁

陰沈雨脚清響漱雲牙老衲眉如雪相逢話作家

望頤山

明 馬治

斜日水南行蒼然雲景清遠山時在望仙洞故知名楓葉凝秋色藤花落晚晴西陽亭不見惆悵翳榛荆

望海虞山得蹤字

明 李延興

青山秋萬疊詩寫晚愁濃瀑斷峰頭路雲藏谷口松藥爐丹氣上經藏碧苔封誰似仙翁靜階前掃鶴蹤

遊會稽山

明 表凱

山寶揚州鎮人踰浙水來禹功懸白日秦刻卧蒼苔龍
起梅梁去神遊石洞開明朝有餘興更上越王臺

次韻胡學士春日陪駕遊萬歲山

明 胡儼

鳳輦宸遊日祥雲夾道紅香風傳別殿飛翠繞行宮徑
轉千巖合波迴一鏡空忽看鸞鶴起聲在半天中

其二

閣道雲為幄仙山玉作臺更無凡跡到只有異香來柳

拂金輿度花迎寶扇開太平多樂事扈從得徘徊

過桐君山

明 張 和

雲斷山疑合川回路忽分秋聲兩岸葉曉色萬峰雲旅
雁衝帆度寒蟬隔水聞嚴陵遺跡在我欲問桐君

戈山眺和

明 傅汝舟

峰青畫龜石水麗控龍沙楚樹懸猿直衡雲帶雁斜笙
歌塞江縣琴響徹山家思君整飛鳥待此步飄霞

詠虞山倒影

明 皇甫汸

今夜看山色翻從一水中谿嵐乘月吐巖翠合雲空波
靜明葭菼沙寒落雁鴻臨杯挹仙檜星影亂芳叢

夜登石鐘山

明 曹學佺

湖口行人曠山門入樹幽鐘鳴片石夜月滿九江秋洞
裏懸漁網崖前過客舟醉歌仍未已清露濕滄洲

五言排律

度石門山

唐 杜審言

石門千仞斷迸水落遙空道束懸崖半橋欹絕澗中仰

攀人屢息直下騎纔通泥擁奔蛇徑雲埋伏獸叢星躔
牛斗北地脈象牙東開塞隨行變高深觸望同江聲連
驟雨日氣抱殘虹未改朱明律先含白露風堅貞忻不
憚險澀諒難窮有異登臨賞徒為造化功

遊禹穴回出若耶

唐宋之間

禹穴今晨到耶谿此路通著書聞太史鍊藥有仙翁鶴
往籠猶掛龍飛劍已空石帆搖海上天鏡落湖中水底
寒雲白山邊墜葉紅歸舟何慮晚日暮使樵風

府試萊城晴日望三山

唐 許 椅

不易識蓬瀛憑高望有程盤根出巨浸遠色到孤城隱
隱排雲峻層層就日明淨收殘靄盡浮動嫩嵐輕縱目
徒多暇馳心累發誠從容更何往此路徹三清

七言律

奉和聖製早登三鄉山

唐 張九齡

羽衛森森西向泰山川歷歷在清晨晴雲稍卷寒巖樹
宿雨能銷御路塵聖德由來合天道靈符卽此應時巡

遺賢一一皆羈致猶欲高深訪隱淪

望夫石

唐 劉禹錫

何代提戈去不還獨留形影白雲間
肌膚銷盡雪霜色羅綺點成苔蘚斑
江燕不能傳遠信野花空解妬愁顏
近來豈少征人婦笑采蘿蕪上北山

霍山

唐 曹 松

七千七百七十丈丈丈藤蘿勢入天未必展來空似翅
不妨開去也成蓮月將河漢分巖轉僧與龍蛇共窟眠

直是畫工湏閣筆况無名畫可流傳

麻姑山

唐 劉滄

麻姑此地鍊神丹寂寞煙霞古竈殘一自仙娥歸碧落
幾年春雨洗紅蘭帆飛震澤秋江遠雨過陵陽晚樹寒
山頂白雲千萬片時聞鸞鶴下仙壇

箕山

唐 陸龜蒙

水繞蒼山固護來當時盤踞實雄才周郎計策清宵定
曹氏樓船白晝灰五十八年爭虎視三千餘騎騁龍媒

何如今日家天下閭閻門臨萬國開

宿嵩山

唐伍喬

一入仙山萬慮寬夜深寧厭倚虛闌鶴和雲影宿高木
人帶月光登古壇芝朮露濃谿塢白薜蘿風起殿廊寒
更陪羽客論真理不覺初鐘叩曉殘

西塞山下作

唐韋莊

西塞山前水似藍亂雲飛絮滿澄潭孤峰漸映溢城北
片月斜生夢澤南饗動曉煙烹紫鰣露和香蒂摘黃柑

他年却棹扁舟去終傍蘆花結一菴

孤山後寫望

宋林逋

水墨屏風狀總非作詩除是謝玄暉谿橋裊裊穿黃落
樵斧丁丁斫翠微返照未沈僧獨往長煙如淡鳥橫飛
南峰有客鋤園罷閒倚籬門忘却歸

過馬鞍山

宋孔武仲

足歷黃州百疊山更無平地只岡巒物皆枯槁非人境
石最崔嵬是馬鞍畏日流金紅艷艷亂沙堆雪白漫漫

崎嶇出盡聊休息喜有松聲六月寒

登齊山

孔武仲

路出南隄思灑然烏藤點點破苔圓山腰仄塞原無路
洞底虛無別有天六月清風醒客醉千叢怪石伴僧禪
近人登覽方為貴從此匡廬不直錢

宿九仙山

宋蘇軾

風流王謝古仙真一去空山五百春玉室金堂餘漢士
桃花流水失秦人困眠一榻香凝帳夢繞千巖冷逼身

夜半老僧呼客起雲峰缺處湧冰輪

何山

元仇遠

谿轉峰迴一逕平田頭白水照人清寺因何氏封山姓
客把坡詩證地名蘿月長隨行道影杉風猶帶讀書聲
雲津橋下潺湲急僧濯袈裟客濯纓

陰山

元耶律楚材

八月陰山雪滿沙清光凝目眩生花挿天絕壁噴晴日
擎海層巒吸翠霞松檜叢中疏竹欹藤蘿深處有人家

橫空千里雄西域江左名山不足誇

遇玲瓏山

元 劉秉忠

世外徒聞說洞天桃源迷路再無緣摩青磯誰能鑿
繡白玲瓏自可穿別有一壺藏日月正看萬竅吐雲煙
勞生得遇崆峒客煉訣還丹問隱仙

玉華山

元 虞集

何處清江擁玉華手題名榜寄仙家光凝石殿千年雪
影動銀河八月槎藏藥寶函騰玉氣說詩瑤席散天葩

奎章閣吏無能賦得似新宮蔡少霞

浮山道中

元 張翥

處處人煙有酒旗
棟花開後絮飛時
一谿春水浮黃頰
滿樹暄風呴畫眉
入境漸聞人語好看山
不厭馬行遲
江離綠徧汀洲外
擬折芳馨寄所思

遊麻姑山用蔣師文韻

元 黃鎮成

紫霧龍鸞月裏遊
白銀宮殿海中洲
麻姑宴罷壇猶在
葛令丹成井獨留滴
雨浮嵐空翠晚飛花
散玉瀑簾秋

誰能共食金光草來住仙家十二樓

登台州巾山

元 吳景奎

峯律雙峰著此身危巔夜半見朝暾天低古塔參雲闕
江送寒潮落海門恰憤風高仙已去翠微僧老鶴長存
下觀城郭紅塵隘水色山光自吐吞

桐君山

元 徐 艄

曉上桐君宿霧收嵐光蒼翠恣夷猶丹爐秘訣歸仙子
清景吟懷屬士流七里灘橫孤棹影立山鐘響五更頭

古來瀟灑稱名郡莫把繁華數汴州

題徑山

元僧益

攀蘿捫石上崔嵬為訪名師特地來碧眼望穿紅日際
青蹊踏破白雲堆松濤振壑鳴天籟瀑布吞崖動地雷
好境自然塵世別何須海上覓蓬萊

鄆州望古北居庸諸山

明陳秀民

古北居庸一望中風沙滿眼亂芙蓉曠車夜轉崑崙脊
華蓋陰移太乙峰金口水流終到海玉泉雲起又隨龍

兩京形勝今如此可擬秦闕百二重

鄧尉山紀遊

明 唐寅

鄧尉名山久注思少携閒伴是春時隔窓湖水坐不起
塞路梅花行轉遲清福可教何日領閒情曾有幾人知
漫收形勝歸邨館夢裏煙霞亦自追

晚望蒼山即事

明 包 節

吏散庭閒靜掩扉點蒼西望翠霏微雲裁玉葉和煙潤
瀑濺珠花映雨飛石洞經秋龍未起松枝將暝鶴初歸

冷然忽動餐霞思擬陟丹梯一振衣

五言絕句

登玉清

唐

盧照隣

絕頂橫臨日孤峰半倚天徘徊拜真老萬里見風煙

奉和登驪山應制

唐

閻朝隱

龍行踏絳氣天半語相聞混沌疑初判洪荒若始分

獨坐敬亭山

唐

李 白

衆鳥高飛盡孤雲獨去閒相看兩不厭只有敬亭山

憶東山

李白

不向東山久薔薇
幾度花白雲還自散
明月落誰家

西塞山

唐

常應物

勢從千里奔直入
江中斷嵐橫秋塞
雄地東驚流滿

盛山隱月岫

唐

韋處厚

初映鈎如線終銜鏡似鈎遠澄秋水色高倚晚河流

盛山琵琶臺

韋處厚

褊地難層疊因崖遂削成淺深嵐嶂色盡向此中呈

西山

唐韓愈

新月迎宵挂晴雲，到晚留為遮。
西望眼終是懶回頭。

登柳州峨山

唐柳宗元

荒山秋日午，獨上意悠悠。
如何望鄉處，西北是融州。

地肺山春日

唐溫庭筠

苒苒花明岸，涓涓水繞山。
幾時拋俗事，來共白雲閒。

儋耳山

宋蘇軾

突兀臨空虛，他山總不如。
君看道傍石，盡是補天餘。

列岫亭望西山最正殆無毫髮遺恨滕王秋屏
皆不及也因作此詩

宋朱子

東西水平分南北山中斷妙處毫髮間商略無遺箋

百丈山石臺

宋朱子

出谷轉石稜俯身窺木末夕眺嵐翠分朝隣雲海濶

五峰山

宋僧大奎

一尋五峰老孤塔在雲端鐵策已古色石房空晝寒

憶郎山

金任詢

萬壑谿流合千峰木葉黃郎山五千尺獨立見蒼蒼

雲臺山

元貢師泰

天星二十八下作漢廷將功成歸帝傍精彩射石上

天冠山

元王士熙

龍口巖

飛泉龍口懸平石鱉背展高會瀛洲人一笑滄浪淺

長廊巖

誰謂山中險長廊亦晏然花開春雨足月落山人眠

金沙嶺

峻嶺接仙臺仙人獨往來簫聲吹日落鶴翅拂雲開

昇仙臺

高臺去天咫有仙從此昇遺跡尚可攀山雲白層層

逍遙巖

老竹空巖裏懸崖飛水前欲識逍遙意試讀逍遙篇

道人巖

道人出自白雲空巖為誰碧獨往誰得知時有鶴一隻

老人峰

何年南極星墮地化為石至今明月夜清輝倚天碧

石人峰

仙人立危峰欲作凌雲舉飄然閱浮世獨立寂無語

學堂巖

仙人讀書處樵子時聞聲猶勝爛柯者只看棋一枰

馨香巖

蛟涎潰頑石磴道何崎嶇深潭湛古色興雲只須臾

月巖

飛泉何許來明月此夜滿登高立秋風妙趣無人歎

鳳山

孤鳳棲山中白雲護清境朝陽早飛來月落空巖冷

五臺山

元顧瑛

海湧如來室清涼即五臺春風山頂雪飛度雁門來

五鴻山飛泉塢

明高啟

山空響更遠雨過流還急餘沫洒迴風一林紅樹濕

五鶴山白雲塢

高啟

雲開見山家，雲合失山路。
聞語知有人，欲尋已迷誤。

過關山

明李榮

石不漱，石竇鏗鎗下如乳。版屋有居人，終年聽風雨。

六言絕句

別覲山

唐韓翃

一身趨侍丹墀路，翩翩去時惆悵。青山綠水何年更
是來期。

題雲山

明陳繼儒

雨過石生五色雲度山餘數層時有炊煙出樹中多處
士高僧

七言絕句

望天門山

唐李白

天門中斷楚江開碧水東流直北回兩岸青山相對出
孤帆一片日邊來

過商山

唐戎昱

雨暗商山過客稀
路傍孤店閉柴扉
卸鞍良久茅檐下
待得巴人樵采歸

過三鄉望女几山早歲有卜築之志

唐羊士諤

女几山頭春雪消
路傍仙杏發柔條
心期欲去知何日
惆悵回車上野橋

同諸隱者夜登四明山

唐施肩吾

半夜尋幽上四明
手攀松檜觸雲行
相呼已到無人境

何處玉簫吹一聲

宿四明山

施肩吾

黎州老人命余宿杳然高頂浮雲平下視不知幾千仞
欲曉不曉天雞聲

商山道中

唐趙嘏

和如春色淨如秋五月商山是勝遊當晝火雲生不得
一谿分作萬重流

過象耳山

唐薛能

一色青松幾萬裁異香薰路帶花開山門欲別心潛願
更到蜀中還到來

題君山

唐 雍陶

風波不動影沈沈翠色全微碧色深疑是水仙梳洗處
一螺青黛鏡中心

商山

唐 司空圖

馬上搜奇已數篇籍中猶愧是頑仙
關頭傳說開元事
指點多疑孟浩然

君山

唐程賀

曾遊方外見麻姑
說道君山自古無云是
崑崙山頂石
海風飄落洞庭湖

湖山

唐儲嗣宗

犬入五雲音信絕
鳳棲凝碧悄無聲
焚香古洞步虛夜
露濕松花空月明

登遊齊山

唐許堅

星使南馳入楚重
此山偏得駐行蹤
落花滿地月華冷

寂寞舊山三四峰

斛石山書事

唐薛濤

王家山水畫圖中
意思都盧粉黛容
今日忽登虛境望
步搖冠翠一千峰

出惠山遙望橫山

宋楊萬里

三日橫山反覆看
殷勤送我惠山前
常州更在橫山外
只望橫山已杳然

至鳳凰山再作

宋朱子

門前寒水青銅闕
林外晴峰紫帽孤
記得南垞通柳浪
依稀全是輞川圖

吳山高

朱子

行盡吳山過越山
白雲猶是幾重關
若尋汗漫相期處
更在孤鴻滅沒間

過鴈山

宋王十朋

清秋天氣過山中
征鴈行人路不同
從此又勞千里翼

傳書來往浙西東

漳州圓山

宋徐璣

輕煙漠漠霧綿綿野色籠青傍屋前盡說漳南風景好
衆山圍繞一山圓

荊江口望見君山

宋鄭震

荊江江口望漫漫一白無邊夕照寒只是青雲浮水上
教人錯認作山看

三天竺道中

元方回

三天竺路漸平登高似雷峰塔幾層山到無人行處好

松陰萬樹立孤僧

舟次九山

元黃庚

水雲盡處列奇峰螺髻參差杳靄中江岸維舟看不了
煙嵐分碧入疎篷

訪屏風山

元元淮

獨出南關訪翠微鐘樓佛閣靄霏霏草根縛筆題牆了
更與山僧伴話歸

登師山

元鄭玉

山前村落亂高低雲意模糊遠近迷萬疊峰巒如畫展

黃山正在小樓西

次韻友竹弟南明山

元周權

秋深槲葉滿空山飯罷僧袍挂石闌洗淨十年塵土夢
天風吹瀑落雲寒

盤石山

元陳孚

懸巖千仞鐵崔嵬勢似飛蚪捲海來我見只疑山欲躍
馬蹄不敢蹴青苔

赤松山

元 吳景奎

雙鶴冲天去不回五雲繚繞散花臺
山中若見皇初起為問留侯幾度來

天平山中

明 楊 基

細雨茸茸濕棟花南風樹樹熟枇杷徐行不記山深淺
一路鶯啼送到家

南山

明 殷 奎

南山萬疊為吾開一日支頤看幾回最是夕陽時好看

幾人閒處解看來

晚過張林山

明浦源

名山幾度欲尋幽此日雖來不暇遊一棹黃昏過山下
疎燈絡緯滿林秋

鄧尉山

明方太古

危欄倦倚帶斜陽今夜禪牀借上方七十二山何處是

洞庭烟水正茫茫

靈巖山

明沈明臣

響屢廊空香徑微千年往跡故應非青山花草斜陽下
惟見殘僧曬衲衣

華陽雜韻

明 廖孔說

林間風靄日氤氳乍露孤峰半未分一夜雷聲在山下
始知身出萬重雲

御定佩文齋詠物詩選卷八十三

欽定四庫全書叢要卷一萬八千七百六

集部

御定佩文齋詠物詩選卷八十四

水總類

五言古

賦得臨水

梁

沈君攸

開筵臨桂水，携手望桃源。
花落圓文出，風急細流翻。
光浮動岸影，浪息累沙痕。
滄波自可悅，濯纓何用論。

詠水

陳

祖孫登

驪泉紫闕映珠浦碧沙沈岸閣蓮香遠流清雲影深風潭如拂鏡山溜似調琴請君看皎潔知有淡然心

賦得方塘含白水

隋 李巨仁

白水溢方塘森森素波揚疊浪輕鳬影連漪寫雁行長堤柳色翠夾岸荷花黃觀魚自有樂何必在濠梁

翫止水

唐 白居易

動者樂流水靜者樂止水利物不如流鑒形不如止淒清早霜降淅瀝微風起中面紅葉開四隅綠萍委廣狹

八九丈灣環有涯涘淺深三四尺洞徹無表裏淨分鶴
翹足澄見魚掉尾迎眸洗眼塵隔胸蕩心淳定將禪不
別明與誠相似清能律貪夫淡可交君子豈惟空狎翫
亦取相倫擬欲識靜者心心源只如此

亭西牆下伊渠水中置石激流潺湲成韻頗有
幽趣以詩記之

白居易

嵌巒嵩石峭皎潔伊流清立為遠峰勢激作寒玉聲夾
岸羅密樹面灘開小亭忽疑嚴子瀨流入洛陽城是時

羣動息風靜微月明高枕夜悄悄滿耳秋泠泠終日臨
大道何人知此情此情苟自愜亦不要人聽

泛水

宋孔平仲

連漪二十里清淡得我性微風不復搖天水相與淨秋
容入崖柳晚色依漁艇颺颺會稽遊南湖明似鏡

七言古

西城觀水

金趙楓

西山秋水來天地巨野橫流浩無際長風蹙浪鱗甲生

兩角斜分半山裏
繚堤北去接飛橋
鼓鼙洶洶翻驚濤
中流突兀玉山起
直疑河伯驅靈鼈
冷光搖蕩秋雲白
渾似夢中遊
震澤隔林我欲喚漁郎
孤帆忽如過鳥翼
安得酒船常拍浮
四時甘味置兩頭
何人與我同此樂
穎陽試覓元丹丘

五言律

春水

唐杜甫

三月桃花浪江流復舊痕
朝來沒沙尾碧色動紫門
接

縷垂芳餌連筒灌小園已添無數鳥爭浴故相喧

遠水

唐馬戴

蕩漾空沙際虛明入遠天秋光照不極鳥色去無邊勢
引長雲斷波凝片雪連汀洲杳難到萬古覆蒼煙

遠水

唐項斯

渺渺浸天色一邊生晚涼闊含萍勢遠寒入鴈愁長北
極連平地東流即故鄉扁舟當宿處彷彿似瀟湘

秋水

宋徐積

水與秋月色清無一點瑕有情山共遠無限月初斜鶯
下沉寒葦雁空遺暖沙旋將堤畔木學泛斗邊槎

五言排律

賦得玉水記方流

唐
陳昌言

明媚如懷玉奇姿寄託幽白虹深不見綠水折空流方
玆清沙徧縱橫氣色浮類圭才有角寫月漾成鉤久處
深潛貴希當特達收滔滔在何許揭厲願從游

賦得玉水記方流

唐
鄭
俞

積水綦文動因知玉產幽如天涵素色侔地引方流潛潤蒸雲起英華射浪浮魚龍泉水不夜艸木岸無秋壁沿寧堪比瑤池詎足儔若非懸可測誰復寄冥搜

賦得玉水記方流

唐王鑑

玉潤在中洲光臨磯岸幽氤冥瑞影演養度方流乍似輕連合還疑駭浪收夤緣知有異洞徹信無儔比德稱殊賞含輝處至柔沈淪如見念況乃屬時休

賦得玉水記方流

唐杜元穎

重泉生美玉積水黑長流如見清堪賞因知寶可求斗
迴虹氣見磬折紫光浮中矩諧明德同方叶至柔月生
偏共暎風暖佇將遊異寶雖無脰逢時願俯收

賦得四水流合

唐李沛

禹鑿山川地因通四水流繁迴過鳳闕會合出皇州天
影長波裏寒聲古渡頭入河無晝夜歸海有謙柔順物
宜投石逢時可載舟羨魚猶未已臨水欲垂釣

賦得春水綠波

唐朱林

芳時淑氣和春水淡煙波混養滋蘭杜淪漣長芰荷晚
光扶翠瀛潭影瀉清莎歸鴈追飛盡纖鱗游泳夕朝宗
終到海潤下每盈科願假中流便從茲發棹歌

賦得空水共澄鮮

唐闕名

悠然四望通渺渺水無窮海鶴飛天際煙林出鏡中雲
消澄徧碧霞起澹微紅落日浮光滿遙山翠色同樵聲
喧竹嶼棹響入蓮葉遠客舟中興塵襟暫一空

七言律

西蜀淨因寺題水

唐鄭谷

竹院松廊分數派晴空清泚亦逶迤落花相逐去何處
幽鳥獨來無限時洗鉢老僧臨岸久釣魚閒客倦綸遲
晚來一片連莎綠悔與滄浪有舊期

水紋

元謝宗可

新綠粼粼漾淺漪織成春色上苔衣一池碧暈雨初落
千疊翠鱗風更微淨縠光搖湘女鏡輕羅影動水仙機
何如袖取并刀去剪得吳淞半幅歸

七言絕句

流水

唐 羅 鄭

龍躍虬蟠旋作潭繞紅濺綠下東南春風散入侯家去
漱齒花前酒半酣

御定佩文齋詠物詩選卷八十四



總校官庶吉士臣侍朝
校對官中書臣王璣
謄錄監生臣趙位堂
謄錄監生臣史映綵

欽定四庫全書會要

集部

御定詠物詩選卷八十五至九十一

詳校官原任事臣李斯咏

欽定四庫全書薈要卷一萬八千七百七

集部

御定佩文齋詠物詩選卷八十五

海類

四言古

觀滄海

魏武帝

東臨碣石以觀滄海水何澹澹山島竦峙樹木叢生百草豐茂秋風蕭瑟洪波湧起日月之行若出其中星漢燦爛若出其裏幸甚至哉歌以詠志

五言古

登郁洲山望海

梁劉峻

滄涼聯霄岫層嶺巒
贊嶼下盤鹽海底上轉靈鳥翼溟
渺非可辨鴻濬信難測輕塵久弭飛驚浪終不息雲錦
曜石嶼羅綾文水色

奉和望海

隋虞茂

清蹕臨溟漲巨海望滔滔十洲雲霧遠三山波浪高長
瀾疑浴日連島類奔濤神遊藐姑射蘆藻冠風騷徒然

雖觀海何以効涓毫

景龍四年春祠海

唐宋之間

肅事祠春溟宵齋洗蒙慮雞鳴見日出鷺下驚濤驚地
闊八荒近天迴百川注筵端接空曲目外唯零霧暖氣
物象來周遊晦明互致牲匪元享禋滌期靈煦的的波
際禽云云島間樹安期今何在方丈蔑尋路仙事與世
隔冥搜徒已屢四明背羣山遺老莫辨處撫中良自慨
弱齡忝恩遇三入文史林兩拜神仙署雖歎出關遠始

知臨海趣賞來空自多理勝孰能喻留楫竟何待徙倚
忽云暮

入海

唐張說

乘桴入南海海曠不可臨茫茫失方面混沌如凝陰雲
山相出沒天地互浮沈萬里無涯際云何測廣深潮波
自盈縮安得會虛心

和賀蘭判官望北海作

唐高適

聖代務平典輶軒推上才迢遙溟海際曠望滄波開四

牡未遑息三山安在哉巨鼈不可釣高浪何崔嵬湛湛
朝百谷茫茫連九垓挹流納廣大觀異增遲迴日出現
魚日月圓如蚌胎跡非想像到心以精靈猜遠色帶孤
嶼虛聲涵殷雷風行越裳貢水遏天吳炎攬轡集將擊
忘機鷗復來緣情韻騷雅獨立遺塵埃吏道竟殊用翰
林仍忝陪長鳴謝知已所媿非龍媒

西陵口觀海

唐薛據

浙江漫湯湯近海勢彌廣在昔坯混凝融為百川湊地

形失端倪天色潛溟養東南際萬里極目遠無象山影
乍浮沈潮波忽來往孤帆或不見棹歌猶想像日暮長
風起客心空振蕩浦口霞未收潭心月初上林嶼幾迴
迴亭臯時偃仰歲晏訪蓬瀛真遊非外獎

觀海

唐 獨孤及

北登渤海島回首秦東門誰尸造物功鑿此天池源湧
洞吞百谷周流無四垠廓然混茫際望見天地根白日
自中吐扶桑如可捫超遙蓬萊峰想像金臺存秦帝昔

經此登臨翼飛飈揚旌百神會望日羣山奔徐福竟何成羨門徒空言唯見石橋足千年潮水痕

登東海龍興寺高頂望海簡演公

唐
劉長卿

胸山壓海石永望開禪宮元氣遠相合太陽生其中豁然萬里餘獨為百川雄白波走雷電黑霧藏魚龍變化非一狀晴明分衆容煙開秦帝橋隱隱橫殘虹蓬島如在眼羽人那可逢偶聞真僧言甚與靜者同幽意頗相

愜賞心殊未窮
花間午時梵雲外
春山鐘誰念遽成別
自憐歸所從他時
相憶處惆悵西南峰

航海

宋 陸 游

我不如列子神游御天風尚應似安石悠然雲海中卧
看十幅蒲灣灣若張弓潮來湧銀山忽復磨青銅飢鶻
掠船舷大魚舞虛空流落何足道豪氣蕩肺胸歌罷海
動色詩成天改容行矣跨鵬背弭節蓬萊宮

五言律

詠海

唐李嶠

習坎疏丹壑朝宗合紫微三山巨鼈湧萬里大鵬飛樓寫春雲色珠含明月輝會因添霧露方逐衆川歸

海上

金劉迎

潮蹙三山島煙橫萬里沙蜃樓春作市鼈鼈莫催衙一曲水仙操片帆漁父家安期定何處試問棗如瓜

五言排律

春日望海

唐太宗

披襟眺滄海憑軾翫春芳積流橫地紀疏派引天潢仙氣凝三嶺和風扇八荒拂潮雲布色穿浪日舒光照岸花分采迷雲鴈斷行懷卑運深廣持滿守靈長有形非易測無源詎可量洪濤經變野翠島屢成桑之果思漢帝碣石想秦皇霓裳非本意端拱是圖王

奉和聖製春日望海

唐楊師道

春日臨渤海征旅輶晨裝迴瞰盧龍塞斜瞻肅慎鄉洪波迴地軸孤嶼映雲光落日驚濤上浮天駭浪長仙臺

隱螭駕水府泛鼉梁碣石朝煙滅之衆歸雁翔北巡非
漢后東幸異秦皇寧旗羽林客拔距少年場電擊驅遼
水鵬飛出帶方將舉青丘繳安訪白霓裳

賦得海水不揚波

唐閻名

聖朝崇大道寰海免波揚既合千年聖能安百谷王天
心隨澤廣水德共靈長不撓魚彌樂無瀾葦可航化流
霑率土恩浸及殊方豈只朝宗國唯聞有越裳

七言律

南海

唐曹松

傾騰界漢沃諸巒立望何如畫此看無地不同方覺遠
共天難別始知寬文鯢隔霧朝含磬老蚌凌波夜吐丹
萬狀千形皆得意長鯨獨自轉身難

昆陽望海

明楊慎

昆明波濤南紀雄金碧滉漾銀河通平吞萬里象馬國
直下千尺蛟龍宮天外煙巒分點綴雲中海樹入空濛
乘槎破浪非吾事已把漁竿狎釣翁

七言絕句

海客

唐
李商隱

海上乘槎上紫氛。星娥罷織一相聞。
只因不憚牽牛女，聊用支機石贈君。

次韻寶印叔觀海

宋
王十朋

戴地浮天浩莫窮。氣營樓閣聳虛空。
道人妙得觀瀾術，萬里滄溟碧眼中。

滇海曲

明
楊慎

梁王閣榭水中央
烏鵲雙星帶五潢
跨海虹橋三十里
廣寒宮殿夜飄香

其二

化城樓閣壯人寰
澤國封疆鎮兩關
雲氣開成銀色界
天工斲出點蒼山

其三

葉榆巨浸環三島
益部雄都控百蠻
神禹導河雙洱水
武侯征路七星闕

泛海

明 張可大

到處啼鶯倚棹歌客懷偏向布帆多黃雲飛盡天如洗
鼈背山前萬頃波

御定佩文齋詠物詩選卷八十五